

野反下 灼音 岐音 移音 勻音 錠音 荊音 剝音 餒音 紆
自雷反 蠕軟音 慨然愛上 銘冥音 虺許鬼 臙時軟 胫米
反 螺二 縮字音 諄之 怒亮庶諒 迸必 誚米
丘音 硬吾更 塊傾 覆蔽上音副 擎牛交上 堊
崗剛音 鞞平義 鞘音 擲音 劇奇逆 叛音 嗤尺
慄良吉 殄徒典 亢口浪 眩縣音 暴蒲報 踞反又
音 煬余向 燿兄郭 銳羊歲 指上 臆上 臍上
直引 肖音

佛本行經卷第三

宋涼州沙門釋寶雲譯

據八

為瓶沙王說法品第十四

意如重慶雲 欲時降甘露 以深奧流聲
 清淨梵天音 又復以八種 柔軟和調響
 以妙辭之辯 降潤瓶沙王 具照知王意

正直且清淨 慈愛恭敬意 充盈於心懷
 今王雖興於 衰末濁亂世 以善自將御
 乃踰上世王 見王諸淨意 內意清淨徹
 猶如晝陰霧 花開知日出

雖施恩於愚人 恩德終不居之
 施少善於賢人 其恩好日日厚

今視王甚奇特 不迷惑於王位
 憍自恣所覆蓋 土地主皆迷惑
 智慧人若得財 以不要財為要
 身不要如饑花 慧者從身取要

眾生昇天 其得大利 諸土地主 以正治法
 正法之王 順理而治 一切人民 皆從其正

若有財寶 先審取要 若復別離 後無恨心
 猶如從酪 以取酥去 漿若翻棄 亦無恨心
 以相迎接 用上賓禮 開恩厚意 以善友義
 今我當以 友恩相報 意欲相諫 開意善聽
 一切眾生 命如朝露 我今一切 都就後世
 猶如盛火 得酥益熾 及燒草木 終無馱足

心之憎愛 由愚癡出 皆服迷惑 狂醉膏藥
老耄之病 死云之火 強燒五道 沉無漏脫
我今已覺 盛火之力 今欲方便 免此大患
是故捨離 親族知識 愛欲如毒 云何不捨
吾已不畏 是諸毒虺 電及火熾 疾暴惡風
亦復不畏 拔刀處賊 但畏恩愛 數數生死

迷於欲者 未曾厭足 諸天亦尔 況世間人
一切世間 欲求無厭 如火所燒 亦復厭極
普得土地 齊海以內 又貪求度 欲得彼岸
一切求索 無有厭足 猶如衆流 歸于大海
兩寶七日 乃至于膝 勝伏四方 上至天上
天上壽命 長七劫半 頂生聖王 欲無厭足

更有聖王 食天福祿 時天帝退 畏阿須倫
憍慢遂盛 仙人擔輦 邪住無厭 從天退墮
有滿唯王 往至天上 得天姝女 形專將來
有犯神仙 金寶精舍 懷貪滅亡 尋化成灰
有重擔王 將兵上天 復從天上 將天女還
緣是天女 自致死亡 如是衆生 無厭而沒

緣八

二

名聞弊惡 弓強箭駛 捨棄王位 入林學仙
心所不應 其身行之 殺害他人 身亦滅亡
有女名賢 諸王競諍 興師率衆 對陣而戰
以愛欲故 興怨致諍 當捨愛欲 如棄怨敵
諸王種族 挾嫌嫉害 殺諸刹利 二百一十
往古烈士 懷恚爲害 宜捨惡心 如虺脫皮

言鴈言鶴 緣是致諍 因相殺傷 乃至億數
愚癡故闍 始起於微 宜捨愚癡 棄自冥病
往古二王 鬪諍澤香 因懷貢高 遂相殺傷
以鐵棒擊 破碎其頭 宜捨憍慢 如雲之盡
又如烈士 甚健勦疾 以貪愛故 奪他婦女
以愛著故 乃致沒亡 如畏死故 宜捨愛著

二阿須倫 坐女色亡 有貪女色 聽音沒命
騰翔空中 賓頭王子 是二嗜味 俱致喪命
昔伊象王 以鼻貪香 犯吉祥天 以致喪滅
昔殷頭王 身樂細滑 貪著無厭 頭裂而亡
此等以欲 恣極六情 如海受流 終以無厭
摩竭魚口 猶尚可滿 六情受欲 難可充滿

如是大貪及餘難計 六情未足 遭大艱難
 可如王言 先恣六情 誰有厭足 宜審思此
 王以敬意 相請以國 諦視王位 亦無純樂
 純事令人 受極快樂 緣樂之後 受大艱難
 其厚煖衣 宜冬猛寒 至於夏暑 更反為患
 飢者得食 以為飽樂 有強逼者 必成大苦

據八

三

如好藕池 中有宿虫 猶花樹林 師子滿中
 金寶之舍 熾火充盈 王位猶此 用相請為
 如魚吞餌 不覺強鈎 猶如以蜜 塗利劔刃
 王者之位 如七寶椀 觀雖悅目 身心甚苦
 王者容飾 被服如天 乘國土車 雜糅牢固
 王者重擔 重於大山 苦如馬閭 觀視悅之

水火風雹 疾疫飢饉 偷盜劫賊 強陵敵國
 邊境屯守 侵奪損耗 是諸艱難 獨切王心
 晝夜懷憂 寢不安牀 思設方便 為國除患
 心普懷疑 不信臣民 如至毒鄉 從人得食
 假令王者 領無數城 其身所處 限居其一
 寢一宮室 坐御一座 榮樂無幾 憂勞甚廣

衣蓋一形 食充一軀 出行遊觀 限駕一乘
 王所飲食 蓋少少耳 其餘榮動 以恣憍奢
 王唯以一 自在為樂 是樂亦復 雜諸苦毒
 猶如處在 劔所作車 處事不明 輒還傷已
 譬如好舍 華飾其表 含毒虺蛇 充滿其中
 觀其悅目 觸其毒害 吾以是故 不甘王位

以是之故 不宜受是 生死難保 猶如幻化
 焉知宿對 馳騁何趣 吾以是故 不受王諫
 王云捨家 而非其時 今且諦聽 吾當報王
 恣意飲食 不懷顧慮 死命迫人 若干方便
 甘蔗之種 号曰白淨 王當覺此 是我父王
 吾欲脫苦 故棄王位 欲設方便 建立善法

無畏滅度 永永第一 常與生老 病死長別
 欲求甘露 可保之處 是故不甘 與諸欲會
 猶如野畜 渴得求水 疲勞乏渴 迷惑而走
 卒遇獵者 截道逐射 不愍其渴 必得殺之
 世間亦尔 飢渴情故 迷惑万端 不計死生
 快意自娛 暢情飲食 不慮成事 當有壞敗

老來屈已 如強張弓 疾病傷人 深於馳箭
死來逼命 如獵放圍 愚意所患 如何待時
若覺若眠 若晝若夜 若水若陸 各各人人
命逝不還 迅速甚駛 猶如水性 入摩竭口
法之燈光 壯美之明 加精進意 增益酥油
奉行善者 懷歡喜逝 命終資糧 已悉備足

據八

四

如進好花 色甚鮮明 志士樂善 奉上塔像
若後日見 花以萎枯 已得花要 心懷歡喜
若明達人 行少小來 和調身命 與善法合
自觀其身 已至朽邁 調自思計 每懷歡喜
猶如惡賊 突獄逃走 乃至曠野 大澤之中
竹葦之林 虎狼遊居 迷惑馳騁 熱渴所逼

五士拔刃 馳而追後 逃怖惶灼 逃突奔走
前卒復有 弊惡醉象 即便前進 欲踐踏殺
其人不持 刀仗戰具 不賣糧食 無蓋履屣
四望顧視 求無歸怙 心懷迷憤 無所曉知
吾今故為 大王引喻 欲令解了 生死之趣
大王宜解 生死如是 當了衆生 如突獄賊

了知曠澤 喻是三途 虎狼惡獸 覺是塵勞
奔馳疲極 熱渴憔悴 則當知是 憎愛愚癡
智慧利劍 廣施資糧 大正法蓋 禁戒履屣
如彼士夫 乏少此行 不種德者 其喻如是
前者醉象 弊暴克惡 當覺如是 世之死亡
當于介時 無有情怙 唯當依憑 奉戒行善

王當迴意 覆育民物 救危濟厄 猶如赤子
普懷慈心 視民如子 王當護國 譬如護宮
猶如有虫 方便勦健 逃身速疾 不遇雨滯
大王亦當 如是逃意 莫遇惡相 以自免濟
佛本行經 不然阿蘭品第十五
如是菩薩 廣有長臂 安徐庠雅 師子應步

據八

五

詣阿蘭問 生死出要 意欲斷壞 生死門閤
遙見阿蘭 與門徒俱 聚會而坐 講論梵典
菩薩德重 喻如天帝 迎接問訊 與坐談論
坐須臾已 善意相視 菩薩慈意 慰勞阿蘭
阿蘭對曰 父承德化 所以出家 不甘尊榮
裂壞愛著 結縛之網 強壯勇猛 猶如大象

捨棄尊號 轉輪王位 譬如智者捨避毒飯
 昔轉輪王 不足為奇 壯過衰老捨家入林
 轉以王位 授其太子 猶以萎花轉授與人
 吾今所疑 仁壯盛美 六情所欲未至充足
 應受廣博 自然榮樂 捨此美号 誰不懷疑
 欲知太子 事之審實 必當成為 大法寶器

以精進德 尋智慧舟 當速疾度 生死海淵
 於是菩薩 聞阿蘭言 含笑懷喜 而答之曰
 吾事未成 故來到此 今汝自保 事必當成
 猶如冥中 忽見光明 喻若迷者 得人引路
 譬欲渡江 遇舟濟渡 故來相求 以為善師
 幸垂顧屈 所以見教 若受為徒 當事以師

老病死苦 當何從度 願以此理 而見告示
 於是阿蘭 謂世導師 以諦審聽 我梵志法
 生死展轉 周旋迴行 上下顛倒 猶如輪轉
 有八私事 号曰內法 又有十六 疑亂諸事
 緣此當知 其人意強 一切世間 因是起滅
 如是五性 識著第六 意則第七 猶豫第八

凡有五情 又有五欲 又當復覺 有六誤亂
 曉知是者 名曰覺業 赤仙與位 皆共覺知
 梵天号曰 一切普知 審如是者 名泥洹業
 生死根熟 牽連縛著 但諦覺是 餘不決定
 吾等於此 方便求了 是吾泥洹 仁所欲覺
 或有智者 謂是泥洹 或云禪報 謂之泥洹

今相教已 出生死路 合意當勤 如病求藥
 古仙灌勝 有名知足 有名定行 又暴露形
 是等皆從 日所行道 又復更有 求解脫者
 亦時菩薩 聞是語已 迴意思惟 探察事元
 菩薩累劫 所覺智慧 覺其瑕已 即告梵志
 已聞汝等 深奧智慧 所謂覺業 出生死者

如我所覺 此事不然 猶如有種 必當出生
 諸情各別 謂是解脫 若對來至 復還結縛
 地水節氣 又復無種 所以不生 因緣錯之
 若種與對 相遇會者 必當更生 吾了如是
 行淨垢薄 壽命延長 意呼以脫 謂是泥洹
 菩薩不然 阿蘭是法 於是復詣 迦蘭問法

為說八意菩薩即了微識故著覺有是取
體解其意是必逮法菩薩是故捨迦蘭法
於是便至尼連禪江修治淨行求禪處坐
金色之身光影照曜猶如蓮花照之於日
日進一麻半粒粳米日日省食久羸形體
身血竭盡脂肪枯乾氣力羸頓形體瘦索

普世衆生不能堪忍如是羸困具滿六年
菩薩如是暴露形體未能還服甘露法藥
意退念來道德無是昔閻浮下億善意是
亦不能以是羸瘦形逮及是事自致成道
諸天空中勸進飲食氣力充盈然後得道
意居尊重如須弥山求佛之意甚大重事

意離堅固強踰金剛飲食不充體不自勝
覺知是已菩薩便起增進飲食長育其身
侍使五人見菩薩食捨棄避去至他閑處
於是便受喜悅喜力二女乳糜甘露之施
即便行詣微妙道樹安庠徐步定出生死
嚴飾巍巍功德積聚以足觸地即大震動

據八

七

於是大驪衆龍之王聞足觸地震動好聲
意便懷疑孰自思惟久復及聞是震動聲
世之將導衆師之師其足觸地震動如是
地神歡喜驅駃如舞震聲隱隱如有所捨
以世導師將欲出現地肅肅動踊躍若笑
因震動聲即從外出其身體大如薰黑山

種種珠寶瓔珞其身猶如黑雲飾以電光
變若干頭普覆空中體放光明如雜烟火
猶如水雲來近日側龍已是像禮菩薩足
起執心敬又手而歎我見前佛興出世時
今之祥瑞如過去佛維衛已來復至迦葉
眼見六佛興世之瑞尊今第七現瑞如彼

如觀光相明曜於世今日必當逮服甘露
今見尊行踏足步步斯地應時肅肅震動
光明殊勝超絕於日今日必當所願充滿
如觀青雀順遶而飛猶青雲中日現妙光
賈慈愛音敬菩薩身今日必當逮得佛道
知見今日清風順時衆流澄滯空中清明

飛鳥相和柔軟悲鳴今日十力一切智成
 觀菩薩身如瑩金山種種珍寶以為嚴飾
 視菩薩身相好自瓔今日必當成佛道器
 圓光如輪在中央晃晃如日五綵絳色
 如今折除世間厚冥如是不久佛日當出
 林樹皆動布散名花一切眾花同時而敷

樹無心屈傾如有心今日必為一切所禮
 猶如白藕蒙月明開日光明照映芙蓉敷
 菩薩今現佛日月光天人心開如快樂花
 如今觀察相已現矣甚難值遇優曇鉢花
 如花難遇佛亦甚難兩難俱遇俱現於世
 今日當以智慧利箭必驚塵勞王將軍營

已迫及逮過去佛處今日必當服食甘露
 如今觀察決定者戒身體嚴以八十種好
 皆照諸天現於身中今日光為天人所拜
 驪龍如是敷菩薩已歷泉上過行詣道樹
 遙見好樹如天莊嚴猶如天上晝度天樹
 吉祥持草奉迎而進菩薩問字即便自名

第八

八

眾人見呼名曰吉祥菩薩自計吾必吉祥
 即便從之受柔軟草散金剛座草皆齊整
 結跏趺坐志意堅固內以心識審諦決定
 不度魔界眾勞欲塵坐是不起亦不飲食
 假令四大改其本性日月墮地須弥升空
 如是眾事可有變異吾終不違是願要誓

敷菩薩願已諸天大喜菩薩發意定欲降魔
 猶如不然外道異學如為天人諸龍所歡
 願使眾生蒙如所歡十方眾生速得所願
 佛本行經降魔品第十六
 時菩薩始坐座号金剛齊建立金剛心
 三千世界震地神喜踊躍數數而震動

魔天見地震疑問何故尔魔王第一臣
 号名曰言辭傾躬謙敬意而啓白魔王
 唯王聽所聞歷劫積功德白淨王太子
 淨土修善行今當成大道空天王欲界
 欲壞所欲城眾門戶之關必超王界上
 當度勝眾生廣開泥洹門甘露之法輪

魔王聞其言 情即慘然坐 三女來問評

第一女名愛 第二名志悅 第三名亂樂

問王何故愁 王答諸女言 彼有大仙聖

被決定大鑑 手執智慧弓 無常箭射吾

欲伏吾欲界 若勝處吾上 當空吾境界

令眾懷賤吾 猶如強隣王 為敵國所掠

據八

九

曼今故屬吾 宜廣設方便 卿等力士女

令其失本志 可往施望礙 如設水堤防

於是魔王女 便行詣道樹 欲現其女力

極示其妖媚 迷惑亂人情 來欲壞其意

盡其妖媚巧 種種改其形 變化其輕疾

猶如雲中電 不停住須臾 菩薩諦計察

髮膚瓔珞飾 衣服巧為覆 猶如聚骨舍

惡露充盈滿 解散令人驚 是何欺世間

裹以薄肌皮 迷惑愚癡者 審諦視魔女

形體衰老悴 如花被重霜 魔王見女老

懷恚如熾燄 即重召傍臣 令合召大軍

往固遮釋子 今曼處吾界 未得審諦眼

宜時往壞亂 今若道成者 僕能勝於吾

速召車馬兵 吾當自出戰 寶冠明如日

嚴飾其頭首 來到須彌頂 即被金剛鎧

猶如日光明 而照曜薄雲 金剛千輪車

輪各有千輻 駕以馬千疋 魔王乘寶車

其曠甚明曜 如日在火中 花宮一由旬

手執五利矢 寶莖蓋如月 以迷惑世間

蓋覆數由旬 周飾七寶鈴 高幢大開口

猶如摩竭魚 欲吞海水時 魔王如是出

將從諸魔眾 凡有十八億 來至道樹側

菩薩坐花上 猶如梵天王 寂滅德充盈

重光晃昱昱 如大金寶積 左手以執弓

從金筒拔箭 便語菩薩曰 咄起利利種

如何故畏死 棄已帝王位 應食世間之榮位

相仁妙臂當執弓 應食世間之榮位

古王之路名普聞 汝應當受顯縱恣

應食世妙祠嚴國 普令役世無遺餘

始起聖王甘蔗種 還食國榮棄乞匄

若不欲起諦自思 莫自違負本誓願

吾箭甚嚴莫能當 徹壞一切堅固楯

惑人猶如春時花 甚於斷花著日中

愛悅世間如時雨 欲猶孔雀得雲雨

或欲失志忘慚愧 佐助嫉慢獨蓋世

外道術強行凶呢 受勝是等獨蓋世

據八

十

欲迷諸天及世人 覺悟談言失睡眠

捷疾無比力勢強 受欲無形壞衆形

或以受火燒殺戒 古王燭之瘦消亡

王名財除亡滿臂 上世惑欲何況今

彼時魔王說是言 不能搖動菩薩意

即便發弓捷疾矢 現諸妖惑作女變

見菩薩坐不傾動 堅固如山懷疑白

安庠天子如山王 以女箭射即傾動

化現四面以迎之 現不自輕與相見

想今太子不識矢 若子失志吾箭誤

是不宜以欲化矢 不可謙敬典雅辭

是當輕易不宜敬 以大車勢強恐迫

魔王發意念兵衆 大呼徹天盡魔界

即會若干無數形 甚可恐畏動天地

嚴事如雪衆山王 衆樂校飾甚可愛

三十二頭名阿樂 是天帝釋所乘象

化身千目被珠鎧 手執金剛千楞杵

釋從無數可畏天 象兵八億相隨來

銀車甚大容飾白 駕千白馬將從由

白明珠鎧白雲蓋 自化已身有百頭

將諸白龍大軍衆 十二萬億爲營徒

是主水神名和耑 捲地而來曳諸山

天金琉璃種種寶 明珠嚴首及身體

被琉璃鎧粟金鈿 右手執持金剛棒

據八

十一

駕千師子衆寶精 乘琉璃車色如日

與無數億夜叉神 毗沙門軍如暴水

無位威怒及仙時 兩立日月風火神

花照妙馬堅金剛 賢財厚務及正行

是天天神無央數 乘車象龍及駕虎

車駕千馬千師子 或復有以千虎駕

或復有駕鴈孔雀
駕驢駱駝特牛羝
或有乘雲車乘山樹
或有乘龍虺毒蛇
或有吐火鼻火出
眼耳出火頭火然
其有打擲皆成火
熾盛火作如劫盡
或化如日或如月
化如大山有羽翼
或冥昏晦如風雲
雷震電光晃昱

如是無數塞虛空
或化黑象如須弥
乘是大象執大弓
來向善薩欲燒然
或化猪頭駱駝手
象羆熊頭無數變
化身甚大為象頭
牙如山巖上刺天
或化師子及馬頭
或化虎頭摩竭魚
或化二頭三四五
六七八九乃至十

或化百頭百手臂
百足百眼甚可畏
若干變化至千頭
千眼千臂放火來
車聲馬聲象吼響
聲鼓珂音動天地
或執弓箭刀矛戟
或戴山樹金剛杵
皆放所執戰鬪具
山樹金剛利兩雹
善薩德大化所放
金銀雜花眾寶兩

化黑受人如雲山
執器妖呪惑善薩
還自狂惑無所識
破所執器祭具散
或有跪地吼喚聲
雷動震地塞虛空
或被虺皮若干形
眼耳鼻口蛇虺出
還相騎乘瞋恚戰
或有馬鳴或狼呼
於善薩意無增減
猶如螢火日爭明

有一天人謂魔王
尊執觀是仙聖德
身中照現諸天官
日月五星及諸宿
鐵圍須弥江海淵
釋梵四王太山君
一切照現善薩身
猶如普世現月中
於是魔王益恚盛
即放戰具愛欲火
地虛空然不可知
善薩即放甘露觀

化雲雨潤滅欲火
愛即畏懼善薩德
安詳天至邪鬼退
魔王即放恚毒發
如召禍害化成虺
地上普滿毒蛇虺
纏繞道樹悉周遍
善薩即放大慈發
化成吉來蛇退滅
魔王復放愚癡發
善薩計緣逆得勝
魔王復放嫉嫌箭

名曰惡口化為龍

菩薩復放大悲箭

化為金鳥龍逃退

魔王復放憍慢發

發名梵手化成象

菩薩復放十力發

化成師子象退去

魔王復放妄言發

名曰調戲化成風

菩薩即放至誠發

挫折魔箭化成山

魔王復放慳貪發

發名恠惡化成霧

菩薩即放惠施發

化雲細雨除土霧

魔王復放陰蓋發

名曰睡眠化成雲

菩薩即放五淨發

化成暴風壞裂雲

魔王復放邪見發

化成邪冥覆世間

菩薩復放正見發

化成為日除魔冥

菩薩被大忍辱鎧

戒成充備跣立地

著七覺意之花鬘

進定瓔珞微妙好

手執慈弓梵寂箭

從意箭中而拔之

適放一發都得勝

如阿須倫勝士烈

變若于變來相恐

菩薩意定毛不動

尔時天上淨居天

奉持過去成佛法

心之憎愛滅除盡

據八

十三

上空中見勝菩薩

時諸天人語魔王

唯仁波旬常諦計

天告彼旬何故勞

唐棄汝功實相語

捨懷惡意寂滅心

何為忽嫌於菩薩

是士無誰能動者

猶比口氣吹須弥

故以慈愛語魔王

自愛莫觸燒菩薩

諸物尚可捨本性

風捨輕動火捨熱

地捨沉動水捨濕

冥不避明日捨照

月尚可使在地行

須弥昇空海過濟

無央數劫戒德業

終不退捨決定誓

如其決定如精進

如惡如好慈眾生

法會盛賓諸天人

食以正法甘露珍

慈心求願安眾生

自然發意愍世間

不逮本願終不起

日出求冥不得然

菩薩大悲愍世間

塵勞之患所蹂踐

博集諸法之良藥

三十七種之神膏

欲為普世和神藥

卿魔不宜犯燒遮

一切墮邪迷惑路

欲導以正不可固

世愚昏冥滅酥油

一切大智之燈明
御魔莫滅方便退
塵勞海淵無崖底
何患能遠行善者
建大忍辱之觚幹
持戒禁花甚鮮潔

佛之庭燎今當然
見是世間沉沒深
欲度一切沉沒者
初始發善根堅固
意志枝莖大廣博
大智慧樹今欲生

當成熟正法甘果
真堅要樹始欲生
今是應生開敷時
如先過去及諸佛
無數德人所愛處
意大尊重可勝者

御魔莫為作妨礙
古來下佛種種種
今坐是座是其宜
是座有德各地齊
普此地上更無處
魔王聞是慘愁曰

菩薩觀我是大力
能吞鐵圍普大地
本修何行得大力
名德普聞無不周
波旬且可聽我說
遍此地上無空處

欲燒天地令焦盡
時菩薩因問魔王曰
答曰吾祠大開門
卿一祠祀大德尔
吾大祠祀無央數
魔語我行汝具知

據八

十四

汝所行聽誰為證
今當示汝吾行證
如出赤雲照然明
即展臚平微妙臂
千輻輪掌妙相具
我行汝知地逮證

菩薩告魔王諦聽
於是菩薩光明臂
從袈裟中出其臂
先世善行之積聚
告魔王已手觸地
於是地神出現形

大舉聲我證我證
名聞第一無不備
復以馬施無央數
又兩七寶飽世間
有處以國及妻息
是處以血破骨體

於此地開門大祀
又復名曰多金施
數數食飽充此地
是處頭施有千數
是處剥皮是處肉
於是地施無數身

捨世種種身不逆
地應震動出大聲
盡撲魔王并其軍
空中大聲普告曰
已勝魔怨諸塵勞
魔退魔敗聲流遍

地即為證現返復
三千世界六返動
顛倒偃覆都墮地
釋種太子都勝怨
魔王大幢即摧折
已勝魔王逮定意

意定深思諸佛事
心懷喜踊連震動
動不動類皆因汝
吾為無歸者作歸
逆害親君族欺者
掘盡善根行惡人

據八

德重地神不能勝
菩薩即告地神曰
且定莫動耐斯須
汝久耐負無央數
越限傾邪向眾罪
飲倒見毒墮冥者

十五

若厄重擔地獄分
須吾捨棄諸苦擔
於諸禪得最自在
前世所經如昨暮
見一切了如明鏡
無有堅要如芭蕉

已勝此等且小忍
於是現歷觀諸禪
憶念久遠初始事
時至夜半天眼觀
照察明達五道生
於其夜至第三時

審諦思惟意要妙
生老病死遂別離
不避坑塹猶如盲
察其起滅悉曉了
老由何來何從死
因老有病從病死

一切世間諸苦會
愚冥覆蔽出要道
菩薩推盡生死原
心更生念重思惟
復生正念緣生故
其有頭者有頭患

猶樹已生必當墮
覺種種行受緣對
觀愛所由從覺識
緣其觸更有諸根
名色之緣則因緣
得癡縮起生死原

重思本種所由有
受何從起從愛有
覺識所由從觸更
所由六入緣名色
如是緣下至於上
是滅已一切都盡

癡原生死所應滅
如所應覺諦覺知
先執正見如審實
燒塵勞澤以慧火
所應覺作悉已成
諸佛世尊所行道

審覺十二緣起本
八賢聖路最第一
見無吾我盡三界
辯是事已自歎曰
吾已及逮久仙聖
至於其夜第三時

日普照之道幢現
一切智成最佛道
諸佛世尊所行道
三千世界六變動
歡喜散花普遍地
天意作花悉周遍

眾生休息時寂靜
吾已及逮久仙聖
連佛第一最處已
諸天畏塞滿空中
粟金粟銀未栴檀
地普充盈塞空中

從無結愛兩天花
諸天鼓樂空中作
地虛空神普踊躍
淵海波涌震妙聲
須彌喜與諸山禮
衆生相愛除嫌仇

據八

十六末

四維上下遍十方
故先使至遍覺悟
如幢無導令諸道
言諸覺頃林樹現
各自現形如說義
光明如是說法音

是其光明諦觀之
不食七日坐樂法
使哉報福妙願成
保安不受除他苦
各各現形力向吾
以功德力勝降之

妓樂不鼓自然鳴
天應慶喜世得持
火神歡喜自然然
樹神各各獻奇花
地獄休息餓鬼飽
佛身奮放正法光

變現種種諸形像
以賢聖路始復現
是有妙花名諸覺
三十七品數各別
或白青黃若干色
佛日出曉照世間

佛即還攝神光明
尔時世尊說此偈
速疾乃速最上寂
魔王觀共相聚來
終不能令吾意動

佛本行經卷第三
耄莫導反挾胡戒反慊尼反
軀視音駢上音下音孤下反
幹古旦反
跣直反里反
蹂周反踐上反
燎周反力照反
觚方音
據八

佛本行經卷第四

據九

宋涼州沙門釋寶雲譯

轉法輪品第十七

願成懷歡喜
不食喜充盈
佛妙藏亦尔
悅澤樹王下
猶王初臨國
先觀視諸法
坐觀樹七日
巡行妙寶藏
以佛眼普視

世間悉了見
法微妙難解
意欲默然寂
知佛先世誓
妙辭請法雨
尋來到佛前
覺世行入邪
愚了泥洹解
最神妙梵天
發心欲來下
被鬘明如日
敬誓首佛足
六師迷惑說
覺第一最覺
方便見無偏
欲以善益世
顯然降世間
在佛側甚明